

მემორანდუმი

შპს თბილისის სასწავლო უნივერსიტეტისა და ა(ა)იპ საქართველოს აუდიტორთა, ბუღალტერთა და ფინანსურ მენეჯერთა პროფესიული ფედერაციის ურთიერთთანამშრომლობის შესახებ

ერთი მხრივ, შპს თბილისის სასწავლო უნივერსიტეტი (შემდგომში „უნივერსიტეტი“), წარმოდგენილი რექტორის ლევან ჯანგულაშვილის სახით, და მეორე მხრივ, ა(ა)იპ საქართველოს აუდიტორთა, ბუღალტერთა და ფინანსურ მენეჯერთა პროფესიული ფედერაცია (შემდგომში „ფედერაცია“), წარმოდგენილი ფედერაციის გამგეობის თავმჯდომარის ელგუჯა აფრიდონიძის სახით (შემდგომში „მხარეები“),

ვაცნობიერებთ რა პროფესიულ სფეროებში არსებულ გამოწვევებს, პროფესიული მომსახურების ხარისხის და კადრების კვალიფიკაციის ამაღლების აუცილებლობას,

ვალარებთ რა ქვეყნის საინვესტიციო და ბიზნესგარემოს გაუმჯობესებისთვის სამოქმედო სფეროებში საუკეთესო საერთაშორისო პრაქტიკის დანერგვის მიზანშეწონილობას,

გამოვხატავთ რა სასწავლო, სამეცნიერო და პრაქტიკის სფეროებში თანამშრომლობის ორმხრივ დაინტერესებას,

გაგვაჩნია რა ერთიანი პოზიცია საქართველოში ბუღალტრული აღრიცხვისა და აუდიტორული საქმიანობის სრულყოფის, საერთაშორისო სტანდარტების დამკვიდრების და პროფესიული პრესტიჟის ამაღლების აუცილებლობის შესახებ,

ვთანხმდებით ვითანამშრომოთ და საერთო ძალისხმევა, გამოცდილება, კომპეტენცია მოვახმაროთ:

- ბუღალტრული აღრიცხვის, ანგარიშგების და აუდიტორული საქმიანობის სფეროში მაღალკვალიფიციური კადრების მომზადებას;
- სწავლების პროგრამების სრულყოფას;
- პრაქტიკის ბაზის გაუმჯობესებას;
- სასწავლო და სამეცნიერო ლიტერატურის შექმნას;
- თემატური სემინარების, სამეცნიერო და პრაქტიკული კონფერენციების, ერთობლივი ღონისძიებების ჩატარებას;

- კურსდამთავრებულთათვის დასაქმებასა და კარიერულ წინსვლაში ხელშეწყობას.

ფედერაცია უზრუნველყოფს:

- უნივერსიტეტის განაცხადის შესაბამისად, ფედერაციასა და ფედერაციის წევრ აუდიტორულ კომპანიებში ეკონომიკისა და ბიზნესის ფაკულტეტის ბიზნესის ადმინისტრირების სპეციალობის სტუდენტების მიერ პროფესიული პრაქტიკის გავლას;
- ფედერაციაში და ფედერაციის წევრ კომპანიებში პრაქტიკული მეცადინეობების ჩატარებას ბუღალტრულ აღრიცხვაში, აუდიტორულ საქმიანობასა და ფინანსურ მენეჯმენტში;
- ფედერაციისა და ფედერაციის წევრი კომპანიის თანამშრომლების მიერ ბიზნესის ადმინისტრირების სპეციალობის ბაკალავრებისა და მაგისტრანტებისათვის ლექციების წაკითხვას;
- შესაძლებლობის ფარგლებში, მატერიალურ-ტექნიკურ დახმარების გაწევას „უნივერსიტეტისათვის“ სასწავლო ბაზის გაუმჯობესების მიზნით.
- ყოველწლიურად ფედერაციისა და ფედერაციის წევრი კომპანიების ბაზაზე სამაგისტრო ნაშრომის მომზადებას.

მხარეები თანხმდებიან:

- ა) ერთობლივად განავითარებენ თანამშრომლობას საბაკალავრო და სამაგისტრო პროგრამების შემდგომი სრულყოფისა და დახვეწის მიზნით;
- ბ) ერთობლივად მოახდენენ მონოგრაფიების და სახელმძღვანელოების პრეზენტაციას, სამაგისტრო ნაშრომების რეცენზირებასა და კონფერენციების მომზადებას;

„უნივერსიტეტი“ იღებს ვალდებულებას:

პრაქტიკის დასრულების შემდეგ, მიღება-ჩაბარების აქტისა და სათანადო დოკუმენტაციის წარდგენის საფუძველზე ფედერაციის შესაბამის მენტორებს გადაუხადოს ანაზღაურება, რომელიც განისაზღვრება საათობრივად.

მინიმალურ ფასად, პროფესიაში განგრძობითი განათლების, სასერტიფიკაციო სწავლებისა და გამოცდების ჩატარებისთვის გამოუყოს ფედერაციის სასწავლო ცენტრს აუდიტორიები და შესაბამისი ტექნიკა.

დამატებით პირობები

- მემორანდუმის შინაარსი ცნობილი და შეთანხმებულია ხელმომწერი მხარეების ყველა დონის ხელმძღვანელი რგოლის წარმომადგენლებისათვის.

- მემორანდუმით განსაზღვრული პირობების შესრულება სავალდებულოა და ასეთად დარჩება ხელმომწერი მხარეების ხელმძღვანელი რგოლების წევრთა შემადგენლობის ცვლილების მიუხედავად.

მხარეთა ურთიერთშეთანხმების საფუძველზე შეიძლება მოხდეს მემორანდუმის პირობების ცვლილება.

მემორანდუმის საფუძველზე წარმომობილი ნებისმიერი დავა გადაწყვიტონ ურთიერთშეთანხმების გზით.

მემორანდუმი ძალაში შედის მხარეთა მიერ მისი ხელმოწერის დღიდან და მოქმედებს მხარეთა მიერ სხვა გადაწყვეტილების მიღებამდე.

წინამდებარე მემორანდუმი შედგენილია ქ. თბილისში, 2017 წლის 5 დეკემბერს, ქართულ ენაზე, ორი თანაბარი იურიდიული ძალის მქონე ეგზემპლარად. თითოეულ მხარეს გადაეცემა დოკუმენტის თითო ეგზემპლარი.

შპს თბილისის სასწავლო
უნივერსიტეტის რექტორი

ა(ა)იპ აუდიტორთა, ბუღალტერთა და
ფინანსურ მენეჯერთა ფედერაციის
გამგეობის თავმჯდომარე

ლევან ჯანგულაშვილი

ელგუჯა აფრიდონიძე

